

# 申報

甲戌年六月

十六日

西曆七月十九日即禮拜三

## 好戰必亡論

昔王猛臨終謂其主秦天王苻堅曰江左雖微正朔所在國死之義望勿加兵苻堅不聽猛卒之  
後與兵南犯至八公山覺草木皆兵因大敗於淝水慕容垂等乘勢奪其地遂身歿國亡為  
天下笑夫以苻秦之強東晉之弱宜乎晉敗秦勝矣乃竟反之何也蓋秦恃其強不知臨事而懼  
晉安於弱而能好謀而成也元魏得國與江左諸君講和修睦享國遂得自數十年之久說者謂  
胡虜無百年之運而元魏獨能過之者因其不犯江左而且能恤民故也趙宋紹周廢藩鎮而重  
州牧其勢之積弱過於歷代而遼在北宋金在南宋其強盛數倍於宋然遼先北宋而絕金先南  
宋而亡可見國祚之興滅短長在仁義不在強弱也當今海禁既開東西諸洋競踵而至中國者  
日不乏國然正朔所在仍推中國今日日本以區區數島之小國居然來犯堂堂正朔之上邦恐不  
為待秦之幾希矣夫日本之犯臺灣也其所藉口者生番慘殺琉球遺風之難民耳彼亦知琉球  
雖彼之屬國亦為中國之藩屬乎琉球臣服中國已久深明中國政教彼知生番有慘殺其難民  
者亦有殺護其難民者固不可一律而論也不然彼豈不知赴愬於中國而求正其罪以討之乎  
且彼亦未嘗赴愬於日本也即令或已赴愬日本為日本者亦宜明告中國曰生番有此慘虐  
中國查明辦理中國若執意不寬而我國必將與師問罪如是則名雖不正而言似尚順也今乃  
藉莫須有之一言而遽行假滅滅之計乎夫假滅滅是尚假途於虜也今並途亦不假竟  
與無名之師擅入中國之境在彼則以為輕中國為無能在人則以為等已身於無賴宜其聚怒  
繼成於下彗星示戒於上也彗星之出也西國謂其出有常度中國謂其出有異災歷觀中國史  
鑑彗星一出非臣下叛君上即四夷叛中華即以我朝論之康熙時出則三藩叛乾隆時出則回  
逆霍集占叛嘉慶時出則林清叛道光時出則回逆張格爾復叛咸豐時出則髮難叛今日之出  
則適值日本犯邊然歷朝之叛逆未有不遭戮死者豈今日之日本反可以任其得意與夫日本  
亦恃恃中國不屑與較耳彼若退師中國必仍大度包容斷不與師以問其罪否則彈丸如高麗  
彼尚畏之如虎屢欲往犯而仍不敢動也今而後吾愈信聖賢之教化人人者深矣中國素秉聖  
訓故雖晉宋之弱而苻秦遼金之強其滅亡之後先竟令人莫測者與西士之在中國者亦均服  
膺聖人之訓故能讀詩書而明禮義彼此和好相安於無事近日日本盡廢聖人之訓故其舉動  
竟至悖謬如此若謂矜其富強不過借得西國之銀數千萬耳若謂逞其強欺亦不過購西人之  
器備西人之能耳僅僅有此伎倆已覺天下無敵特先犯聖朝之中國以賣弄其富強亦可謂器  
小易盈堪與公孫子陽比列矣然則今日為日本計宜以何術處之哉策之上者莫如效秦穆之  
悔過收兵回國其次莫如效趙佗之上書請罪求和雖貽人笑猶可保首領延國祚也不然窮兵  
黷武欲求得志於臺灣設一旦中國赫然震怒與之結怨構兵恐日本傾國之衆盡至臺灣亦難  
以抗拒中國耳又况師之老壯早已定有曲直哉若果勢至如此吾恐再往求助於西國而西國  
君臣亦斷不肯違萬國公法而助之以致貽笑於友邦也彼時餉竭於內兵潰於外其國中之裁  
革諸爵豈無慕容垂等其人者其宗室豈無烏祿其人也吾恐為日本之君危矣至於國外之患  
能保高麗之人不襲普魯士之故智乎內憂外患紛至沓來日本之君欲求不為昔日之苻堅完  
顏亮今日之法國拿破倫恐亦不可得矣吾中國人也豈有反為日本畫策之理但俾體我  
皇上樂天之心不忍遽行滅絕人國之事故為此忠言以相告使日本之君尚有祖功宗德或能  
幡然悔改不至於廟社為墟也